

REMI ZINKAWNG.

Zan khat chu Remi hi an khua ah a inkhawm, inkhawm a kal lai mek chuan a thiannu a hmu a, a thiannu bulah chuan a inkhawm peih loh zia leh a phur loh zia chu a sawi reng mai a. Inkhawm chu hma takah an kal avangin an thu hma em em a, an pastor thu sawi zan a lo ni bawk nen an pastor thu sawi chuan Remi chu a hneh em em a. Zanah chuan mu thei lo in zan khua in pastor thu sawi chu a ngaihtuah a, a ngaihtuah fe hnuah chuan zing a lo ni ta der mai, rei lo te muhil in, a harh chuan a nu leh pa te bulah Remi chuan missionary hna a thawk duh tih thu chu a sawi a. A nu leh pa te chu a thawng em em a, Remi hi mi thawveng ve tak, inkhawm khat ve tak, thian ngaina tak a nih te avang leh tum tam tak nei thin mahse tih hlawhtlin tak loh a ngah hle chuvangin Remi tehlul in missionary hna a thawk duh tih thu a sawi chu mak an ti hle a, Remi thu sawi pawh chu an ngai thu tak vak ngai lo a, mahse a thu sawi chu ngaih pawimawh sak in hma an lak pui ta a. Ni tam tak hnuah chuan a zirna te zo in, missionary hna thawk thei tura tih tur tul leh a thil dang dang ngai te a tih zawh vek hnuah missionary hna chu a dil ve ta a, hnehsawh takin hna chu dil in a vawikhat dilna ah hna chu a hmu nghal a. Missionary ni thei turin nasa takin a bei a, beidawn chang tam tak nei thin in, chhungte fuihna ngaitlha tlat leh an thu ngaichang reng chungin thil engkim a ti thin a, chu an fuihna hre reng chung chuan a tum tang tang a, a hna lo thawh duh em em missionary hna chu hlim takin a thawk thei ta a ni. A hna chu nuam ti tak leh a thuthlukna siam a inchhir lo ngei turin hlim takin thawh a tum tlat a, hmun hreawm leh hla takah pawh a awm theih tih a hria, thawk lo tura ti tu pawh a ngah thei hle mahse a thu thlukna ah chuan a ding nghet tlat a, bul chu a hna thar ah chuan a tan ta a ni.

A hna chu a tan a, a vawikhat na atan amah a in a luah tur chu huphurh hle in a chhungte pawh chuan an ngaihtuah hle a, a hna thar khaw lamah chuan an kal ta a, a awmna khua chu Mizoram khaw tam lam niin a hla khawp mai a. A pa te pawn a hlat em avang leh an ngaihtuah em avang chuan kal lo turin a hrilh hial a, mahse Remi chuan Pathian chanchin tha hril hna a thawk tur chu a lawm hle zawk a. A awmna tur khua a thlen chuan a khua awmna tur chu la thingtlang ti hle in thing a ti hle a, Remi hi zin chhuak zen zen lo a nih avang chuan Remi chuan mak a ti hle a. Hnam hrang hrang an tam hle a, motor lah hmuh tur a vangin hmuh tur a awm zeuh zeuh ringawt a. A chenna in tur a thlen chuan dap in a lo ni a, chutah amah a cheng lo in a thawhpui hmeichhia tur nen an lo cheng dun dawn reng chu niin, Remi chuan a hmaa a nun dan thin leh tuna a nun dan tur chu dang ti hle in insiam rem hun pawh a rei dawn tih a hria a, a hriat ngai hauh loh leh a hriat chian hauh loh nen a chen dun chu har a ti dawn hle tih a hria a, mahse a awmna hmunah inti hlim a vak mai mai tur a ni lo tih leh Pathian rawngbawl tura kal a ni tih a hria a, a kal chhan hre reng chung a beidawng lo turin a intiam tlat ta a. Remi chu a bungrua vel ti felin a buai hle a, a chau leh chauh loh pawh ngaihtuah lo in inchhung velah chuan ni hnih vel ti fel in a che leh a, a awm chung ni thum ni ah chuan a dam lo hlauh mai a. A thiannu a chen pui chuan a theih ang ang a buaipui in a tukah chuan a lo zia ve deuh ta a. Hna chu a thawk tan ta a, a hna chu nuam ti tan ve hle in, a hna vang chuan naupang pawh a ngaina zual pah sauh hle hle a ni. Kar khat chhung a awm pawh chuan nuam chu a la ti hle a, lunglen chang te chu nei ve thin in a chhungte leh a thiante a ngai thin hle, mahse Remi chu amah chauh a awm a nih loh avang chuan a chenpui nu chuan Remi khawhar chu a hnem ve hle a ni.

Remi chu a hnathawh ah chuan inchhir lo hle in, a hma a hlimna tak tak hmu ngai lo kha a hna thar chuan a ti hlim hle a, a zirlai te chu infiam ho pui thin emaw game khelh pui thin in, amah leh a zirlai te chu an hlim ho thin hle. Remi tum ber chu Pathian rawngbawl leh zirlai te school kal ti nuam tu leh ti phir tu nih hi a ni. A zirlai te nen chuan an in a inhnaih hlawm em em a, chu chu an innel leh zualna a ni. Naupang te chu hnam hrang hrang Mizo tawng pawh thiam lo nise a en hrang chuang lo a chhungte ang mai in a en a, ei tur te pe in a duat em em thin a ni. A chenpui in thar tur hi sak mek a ni a, rang taka sa thuai thuai in hun rei lo te ah chuan an sa zo der a, a kar leh lawkah chuan in sak tharah chuan a in luah lut ta a, zanah chuan a in thar chu lawmin cake te, momo te, in tur te leh ei tur chi hrang hrang an ei a, ei tur chu Remi siam vek a ni a. Remi chu a hnathawhna khua a a ei khat leh a chak zawng chu inren lo tak leh uikawm miah lo in a siamna a ken te chuan a siam a, a hnathawhna khua ah hian ei tur tam lo hle in, dawr ah pawh thil a to zel a, Remi chu an khua a chhun tin a ei leh hne khawp a a ei te chu a awmna khuaah a awm lo toat a, tui pawh khaw dang a man tlawm tak pawh a hnathawhna khuaah chuan a to zel zawk thin a, pawisa hmanna tur a vang hle takah chuan Remi pawh chu a inkhawl thei hle a ni. Inthar an lawmna a Remi ei tur siam te chu tui ti takin an ei a, an ni tan chuan ei ngai loh a nih avangin a tui an ti tak meuh meuh a ni. Zanah te chuan game te khelh pui in an hlim hle a zan rei thleng an leng a, thenawm khawveng inpawh tak pawh an ni, zirlai te nen an inhnaih hlawm em avang chuan an nu leh pa te nen thleng pawn an inpawh hle a ni.

A thiannu chu a hnathawh tirh a a chenpui a nih avangin a ngai hle a, a thiannu awm loh zan pheh chuan a lunglen a zual hle a, ni dang zawng zawng a chenpui, unau anga a lo en a chhuak thut ta chu a awm dan pawh a van ve deuh hle a. Inrinni tina a bazar bui, a tlai tin a ei rawngbawl pui engkim ti dun thin, a chhia leh a tha thil pawh induhsak taka pe leh thil engkim inhrilh tawn thin an ni a, inchhung mamawh leh thil awm a inlungual taka lei thin, mise inmil tak an ni a, pawisa ah pawh buaina nei lo, kar tin save ah chhungkaw pawisa dahna tur an siam dunah chuan inchhung mamawh lei turin pawisa sang khat ve ve an dah a, chu an sang hnih chu chhungkaw pawisa ah chuan an dah a, thil an lei duh emaw an mamawh inchhung a tangkai a awm chuan an in hrilh tawna an inrawn hnuah an lei mai zel a ni, naupang ngaina tak an ni dun a, naupang te chuan an nelin an pawh ve hle a Remi te thian dun chu, Remi lo awm hmaa naupang te chu Remi te in a leng reng thin an ni a, mahse a thiannu chuan Remi mizia chu a hriat loh avangin naupang te chu an in a leng tam lo turin a hrilh hlawm a. Remi chuan naupang a lo ngainat chhoh ve tak atang chuan an khaw naupang te chu an thian dun chuan an in a leng ziah turin a hrilh a, naupang te chu chhuatah te thut tirin an vaiin tv an en khawm a, sweet te an hawn sak thin a, Pathian thu te an hrilh a, chhun thil te ei tirin, chaw pawh an ei tir thin a ni. Khawlum lai leh vawh lai hi a hluar thei bik em em a, an awmna hmunah chuan, khawlum lai chuan Remi te thian dun inah chuan fan te an lo inchhem tir thin a, khaw vawh lai te chuan an in a lum tawh loh avangin an riah tir thin vel a ni.

Remi chu missionary a nih avang chuan kum tin sawn inring reng reng thin a. A hnathawhna khua chu nuam tiin insawn pawh chu a hlau hle thin a ni. Remi chuan an khua chu ngai thin

hle in, haw pawh a khat hle a ni, a thawhpui te chu fel hle in Remi kal duhna a piangah Remi an ngainat em avang chuan an hruai zel a. Remi chu amah a a awm tawh takah chuan eirawng bawl pawh a awlsam hle a, a in bul lawkah chuan nupa hi an lo sawn a, Remi chuan a khawhar hnem nan nupa dun chu a kawm a an innel hle a, an nu phei chu Remi te inah zanah a leng deuh chawt zel

a, Christmas urlawk zanah te chuan naupang ho ko khawmin arsa te an ei pui a, Remi chu pawisa lo hautak ve det pawh ni se uikawm lo in a neih a pe a, a naupang te bulah chuan Remi te chhungkua hi lehkha thiam ngaisang leh an unau a lehkha zir peih em em, phai ah an awn vek a, an unau hian hmun hrang hrang ah lehkha zirin an awm a, a nu leh pa te hi an mahni chiahin an cheng a, an khua pawh a har thin hle. Remi pa hi sikul headmaster niin an khawsa ve thei hle a, lehkha pawh a thiam hle. Remi te unau hi panga niin hmeichhia vek an ni a, a pa hian an unau hian Aizawl ah lehkha zir in kum naupang te an nih atangin a dah a. An unau chuan tha hnem ngaihna chang an hre hle a. Sikul an ban velah an homework te tiin, ei rawngbawl pah ten lehkha an zir a. A pa chuan Aizawl ah in tha tak neiin an unau chuan an awm a. Remi hi a naupang ber niin Aizawl a awm har deuh a, a chhungte pawh hian an ngai in an duat hle a ni. Remi Aizawl ah an dah ve meuh chuan an nupa pawn Aizawl ah chuan an kal ve deuh reng zel a. Remi chu a naupang ber a nih avang chuan inchhungah pawh an chet tir ngai mang lo a, a u te hmeichhia vek an lo ni bawk nen, Remi pawn a chhungte hlat a a awm chuan a khawhar thei em em a, missionary hna a thawk leh nen an ngaihtuah hle a, Remi chu an call reng thin a, Remi khawhar chu a hnem ve hle a ni.

Remi chu a vawikhat nan a hnathawhna atang chuan chawkh la in a haw ve a, Aizawl kar khat vek a cham a a mamawh lam khawm in. A awmna khua chuan engmah an neih loh avang chuan mamawh hawn tur pawh a ngah hle a. An kohhran chu la rethei hle in Remi Aizawl a a kal tur pawh pawisa tam tham vak lo chuan Remi chu kohhran mamawh an lei tir a, Remi chu a rilru pawh hah thin hle in kohhran pawisa in an mamawh a daih loh hlau reng reng in a bazar thin a. Remi chuan kohhran mamawh a lei zo ta a, ama mamawh leh naupang ho in thil an chah chu lei a la ngai a, naupang ho chuan pawisa an nei lo tih Remi chuan a hria a, Remi chuan Pathian rawngbawl a ni tih a hria a, a pawisa khawl te chuan naupang chu kawr lum te, sweets te a leisak ve nual a. Naupang ho mamawh a leisak ah pawh chuan a inseng ve nual mai. A mamawh leh a thawhpui te thil pek a duh ve si, a thawhpui tur amah an duhsak zia chu hre reng in thik pek ve ngei a duh si, a hnathawh pui leh hemi te chu Aizawl a kar khat tak chawh la thei zen zen lo an nih avangin an induhsak tawn thin hle a, Aizawl a an kal chuan thil inleisak tawn zel an ni, tu emaw lo zin chhuak emaw an sawn chuan an in ngai thin hle a. Remi chu tu pawn an ngainat avang chuan a zin lai pawh chuan a ngai hle a ni. Remi chuan a thawhpui te mamawh tur a hriat chu a leisak vej a, Remi chuan mamawh a nei tam hle a, Remi chuba chhungte pawh chuan an ngaina in an ngai thin hle a Remi lo zin chuan Remi chu chaw ei turin an sawm reng a, a kal duhna apiangah an hruai a, an bazar pui a, Remi mamawh tur te chu an leisak ve a. Remi chu an unau zingah pawh a mizia a hran bik nalh a, mi nelawm tak a nih vang te chuan Remi chhungte pawh chuan an duhsak bik hle.

Remi chu a mamawh zawng zawng a lei zawh vek hnu chuan an khua ah a haw ve thei chauh a, a haw zanah chuan chawh hah dam nan hman a tum nen inleng a nei tam hle a,

an khua a a thian te chuan an lo ngai hle mai a zanah chuan rei tak an leng a, an in hmu khat hlawm nen sawi tur pawh a tam hle a, an haw fel meuh cbuan a tlai tawh hle a an thil tih hnawh te ti felin a mu mai thei lo va, a tih fek vek hnu chuan a mu thei ta a. A tuk Sunday a lo nia zing thawh hma a ngai leh si chhung inkhawm an nei a, an inneihna ah chuan a hnathawhna chungchang te sawiin a chhungte chuan Remi mizia inthlak nasa em em leh a tawngkam thiam zia te chu mak an ti hle a. A pa chu kohhran upa te a lo nia, Remi pawh missionary a kal a lo nive bawh nen kohhran ho chuan Remi kal hma te khan an duhsak em em a. Remi chu chawlh hmang a a lo hawng takah chuan zanah thusawi tur leh report pe turin an lo sawm nghal a, Remi chu chawlh hmang tura a lo zin chu a buai map map hle mai a. Aizawl atanga a zin haw hah damna hun pawh a la nei lo a. Chawhnu pawh inkhawm ve zel sia, a chawhnu inkhawm ban velah a thusawi tur chu inpuahchah in, sawi tur pawh a ngah hle a. Inpuahchahna tha pawh nei lo chung pawh chuan tha takin a duh ang ngei chuan a sawi chhuak thei a, kohhran mipui ho chuan Remi hnathawhna awm dan leh khawsak a hreawm zia chu an hriat thiam pui a. Hna chhuanawn tak mahse thil tuar tam tak ngai a thawh leh chhungkaw kara awm lo naupang te a hetiang hna a thawh chu kohhran mipui chuan an lo ngaisang hle a, a thusawi pawh chu tha tiin a ngaihnaawm an ti em em a ni.

Remi chu inkhawm ban chuan tawngkam a thiam zia leh a thusawi that zia te avang chuan fakna a dawng nasa hle a, mi chuan an chibai char char a, Remi pawh chuan chau leh chau lo pawh sawi lo chuan tha takin mipui chu a dawng sawng thiam em em a, inkhawm ban a nih avang chuan inleng pawh an ngah ve hle a, Remi chuan thingpui te lo lum sak in a lo buai ve nawk nawk a. Chawlh hmang tura zin a ni si mahse a buai em em tho si chuan a hnathawhna khua ah pawh chuan haw hma leh mai te a duh a, mahse kum khat chhung a vawikhat chauh haw thei a nih avangin cham rei te chu a duh leh hnuhnawh a, an hotupa ber chu call in cham rei a duh thu leh mamawh en duh dang a la neih thu te chu hrilh in an hotupa chuan a lo phal vak lo a, Remi chu a hnathawhna hmunah a tangkai em avang te chuan a haw tur pawh kha an ui hle a nia, tunah cham rei leh a dil belh pheih chu a lo phal vak lo a, Remi pawh chuan hre thiam tho chung chuan a thin chu a rim ve em em a. Kum khatah vawikhat chauh chawlh nei thei in duh ang chen chan an phal lo chu a thinrim ve det a mahse an hotupa chuan a chawlh dilna chu phal sak in kar khat chhung a pawh sei sak a. Remi chuan an khua ah leh Aizawl ah chuan chaw eiba sawm Tu a ngah hle a, an sawmna te chu ngai hlu in an sawmna te chu tih hlawhtlin sak a duh hle a mahse chawlh chhung chu a rei loh em avang chuan a thei dawn lo tih a hria a, a theihna ah chuan ei a tum a, hetah a buai bawh nen chuan a haw tur chu a hreh hle a, hreawm ti tak chuan a hna chhunzawm tur chuan a haw ta a ni.